



## **KEMENTERIAN KEWANGAN**

### **SURAT PEKELILING PERBENDAHARAAN BIL. 5 TAHUN 2004**

Semua Ketua Setiausaha Kementerian  
Semua Ketua Jabatan Persekutuan  
Semua Setiausaha Kerajaan Negeri  
Semua Ketua Badan Berkanun Persekutuan  
Semua Pihak Berkuasa Kerajaan Tempatan

#### **TATACARA PEROLEHAN BERKAITAN LATIHAN**

Surat Pekeliling ini bertujuan memaklumkan mengenai peraturan yang perlu dipatuhi oleh agensi bagi perolehan yang berkaitan dengan latihan seperti kursus, seminar, forum atau lain-lain program latihan yang dianjurkan oleh agensi.

2. Bagi melicinkan pelaksanaan program-program latihan agensi, Pegawai Pengawal adalah dibenar meluluskan perolehan secara rundingan terus bagi memperoleh kemudahan dan bahan latihan yang diperlukan, tertakluk kepada syarat-syarat berikut:

- (i) agensi mempunyai peruntukan latihan mencukupi;
- (ii) perolehan secara pakej untuk mendapatkan kemudahan dewan/bilik latihan bersekali dengan penginapan dan makanan yang tidak melebihi RM100,000 atau tanpa kemudahan penginapan bernilai setakat RM 50,000 setiap pakej boleh diperolehi daripada mana-mana hotel atau pusat konvensyen yang berdaftar dengan Kementerian Kewangan;
- (iii) perolehan secara pakej hendaklah mematuhi kadar kelayakan penginapan dan elaun makan peserta latihan yang berkuat kuasa; dan

- (iv) perolehan alat tulis dan lain-lain bahan latihan berjumlah tidak melebihi RM3,000 bagi setiap sesi/siri dibenar dibeli di luar kontrak pusat sekiranya spesifikasi yang diperlukan adalah berlainan daripada spesifikasi dalam kontrak pusat dan hendaklah diperolehi daripada syarikat Bumiputera yang berdaftar dengan Kementerian Kewangan.

3. Semua agensi digalakkan menggunakan kemudahan yang terdapat di institusi latihan/pusat konvensyen yang dimiliki oleh agensi-agensi Kerajaan atau anak syarikatnya bagi melaksanakan program-program latihan atau lain-lain acara rasmi.

4. Surat Pekeliling ini berkuat kuasa pada tarikh ianya dikeluarkan.

Sekian, terima kasih.

**“ BERKHIDMAT UNTUK NEGARA “**

Saya yang menurut perintah,



(Dato' Izzuddin Bin Dali)  
Ketua Setiausaha Perbendaharaan

15 September 2004

s.k.

Ketua Setiausaha Negara  
Ketua Audit Negara  
Akauntan Negara  
Semua Pegawai Kewangan Negeri